

Fuch. error.

(pace tamen Fuchsij eruditissimi dixerim, quem constat ex suis commentarijs hanc habuisse sententiam) qui putant Asclepiada eam esse plantam, quam uulgaris herbariorum Vincetoxicum vocat. que frequenter in saxosis, & asperis locis prouenit, leui admodum caule: folijs lauro acutioribus: flore albo, muscofo: corniculis tenuibus, oblongis: radicebus innumeris, albicantibus. Quandoquidem huius cum folia, tum radices nullo odore commendantur: flores uirus aliquod non redolent: semen non est securidace simile. Adde etiam, quod ex Oribasij lectione Asclepias non profert folia longa. cui subscriptis Marcellus interpres, fatus fortasse, ut solet, probatissimis exemplaribus. Præterea antiquissimus codex manu scriptus de radicebus non legit ωλλάς, hoc est, multas, sed tantum λετός, λόδεις, id est, tenues, odoratas. Sunt tamen qui Vincetoxicum hoc uenenis maxime aduersari scribant: quin et si actis, & ab alto devolutis auxiliari, si contritate in puluerem radices ex uino sumantur. Has præterea laudibus efferunt ad manus à partu turgentes, præsertim ubi lac in eis coierit: in quorum usu radices ipsas decoquunt, quas deinde cum potenta mammis illinunt. Sed perperam, quod hoc Asclepiadis sit proprium. Ceterum non desunt, qui illam humire= pentem herbam, de qua antea diximus, pluribus celebrent facultatibus, præsertim ad thoracis, & intestinorum uulnera. quamobrem potionis ex ea magna opinione facilitant, & succum eius in unguentis admiscent: namq; uulneraria est, & glutinatoria. Asclepiadis meminit quidem Galenus libro v. simplicium medicamentorum, sed nihil de eius uiribus differens, sic tantum inquit. In tertio Dioscorides de hac herba conscripsit. at nos eius nondum periculum fecimus. Ea Græcē ασηλωτίας, ut etiam Latine Asclepias nominatur: Italicē, Asclepiade.

Nominaz.

ΑΤΡΑΚΤΥΛΙΣ. ATRACTYLIS.

CAP. XCII.

TRACTYLIS, spina est cnico similis, folia multò longiora ferens in summis uirgis, magna parte nuda, asperaque, qua fœmina pro fusis utuntur. capitula in cacumine spinis horrent: flos luteus, quibusdam in locis purpureus inuenitur: radix tenuis, superuacula. Coma, semen, & folia cum pipere, & uino teruntur utilissimè contra scorpionum ictus. Percusso tradunt, quandiu ea teneatur herba, nullum experiri dolorem, ipsumque deposita statim recrudescere.

Atractylidis
consid.Ruel. & Her-
molai error.

ERRANT haud dubie, ut mea quidem fert opinio, Ruelius, & Hermolaus: quippe qui existimauerint Atractylida esse Cnicum sylvestrem, cuius primo loco meminit Theophrastus lib. v. cap. IIII. de plantarum historia. Si quidem magnam ego inter sylvestrem Cnicum, & Atractylida inuenio apud Theophrastum esse differentiam. Quod ut omnibus perspicuum esse posse, ijs præsertim, qui aliter sentiunt, hic Theophrasti uerba de Cnico, Acarna, & Atractylide subiectam. Cnicum, inquit, sylvestri, urbanq; discernit. Sylvestris genera duo notantur: alterum urbe no admodum simile, recticaulius tamen: quamobrem eo mulierum priscarum nonnullæ pro colu utebantur. fructum nigrum, maiuscum, amarumq; parit. Alterum genus densum constat, caulesq; sonchos profert, quodammodo humicale fit: nam propter foliorum mollitiam declinatur, procumbitq; ad arua. fructum amarum, frequentem, barbareq; modo birsutum gignit. Sunt ambo seminosa, uerum sylvestre copiosius fert. Eius peculiare præ alijs sylvestribus est, quod illa duriora, spinosioraq; urbanis prouenient: hoc autem mollius, ac leuis constat. Acarna quoad simplici ratione exprimi licet, aspectu cnico urbano similis est, colore flauicans, succo pinguis. Fusus agrestis (sic enim Atractylida Latini nominarunt) his candidior est: habetq; peculiare, quod in folijs euemit. decerpta enim, carnisq; alata, succum sanguineum effundunt: qua de causa Φόνος, id est, crux a quibusdam spina hæc est nominata. gravis etiam odore, cruxemq; representans. Serò perficit fructum, autumno enim. & quidem in totum (ut summatis propoñam) uniuersa spinaceorum natura fructus serotina existit. hæc Theophrastus. Ex quibus uerbis facile cognosci potest, in Atractylidis historia aperte aberrasse Ruelium, cum in tertio suo de natura stirpium libro afferit, Fusum agrestem, hoc est Atractylida, nil aliud esse Theophrasto, quam primum Cnici sylvestris genus. utpote qui non animaduertiter, quod Atractylis Theophrasto alia est à Cnico sylvestri planta: quanquam illi fortasse non assimilis, & cui ea tantum insit proprietas, ut ē folijs succum sanguineum fundat: id quod nullo Cnici generi tribuitur. Errandi ei occasionem, meo quidem iudicio, præbuit Plinius, quod lib. x x. cap. x v. sylvestrem Cnicum à quibusdam Atractylida uocari tradiderit. Vbi postquam commemorasset nonnullas spinosas plantas, quibus Aegypti in cibis utuntur, de Cnico tandem in hunc modum differuit. Multas præterea, inquit, ignobiles habent plantas. Sed maxime celebrant Cnicon Italie ignotam, iphis autem oleo, non cibo gratam. Hoc faciunt ex semine eius. Differentia prima sylvestris, & satiue. Sylvestrium due species, una mitior est, simili caule, tamen rigido, exilis. Itaq; & pro colu antique mulieres utebantur. quam quidam atractylida uocant. Semen eius candidum, & grande, amarum. Altera birsutior, torostore caule, & qui penè humi serpat, minuto semine. hæc Plinius uerba. Que eti quidem certam fidem faciant, primum sylvestris Cnici genus à quibusdam Atractylida fuisse uocatum, non tamen propterea affirmant, Atractylim esse Cnicum sylvestrem. Atractylidis deinceps speciatim meminit ipse Plinius cap. x vi. eiusdem libri, cum inquit. Acarna colore tantum rufo (asclymo scilicet) distinguitur, & pinguiore succo. Idem erat Atractylis quoque, nisi candidior esset, & nisi sanguineum succum funderet. qua de causa phonos uocatur à quibusdam. Odore etiam gravis, serò maturescente semine, nec ante autumnum. quanquam id de omnibus spinosis dici possit. hactenus Plinius. Ex ijs igitur omnibus meritò colligendum esse putauerim, legitimam Atractylidem nullum esse sylvestris Cnici genus, sed aliam per se plantam, nempe illam, qua pro fusis præce utebantur mulieres. Quod sane animaduertens Theodorus sui Græci idiomatici peritissimus in Theophrasti versione, Atractylida fusum agrestem interpretatur, non autem colum, ut primum agrestis Cnici genus uertendo, ex antiquo ad colos usū, id Colum agrestem recte cognominari posse monstrauit. Qua in re is plane declarasse uidetur, præcas mulieres agresti Cnico coli uice fuisse usas, fusorum uero loco

loco ipsa tantum Atractyli. Ceterum hactenus in Italia, ut ingenui fatear, Atractylida non inueni, neq; eam ab aliis reportam esse scio. quanvis non iuero inficias, quin ea possit etiam in Italia nasci. Evidem plures uidi plantas aculeis horrentes, que illius notis pulchre respondebant: attamen ex ijs nullam unquam nactus sum, que folijs carni adhibitis sanguineum succum funderet. Creditur Ruellius alteram Cnici sylvestris speciem eam nimurum esse stirpe, quam herbariorum uulgo Carduum benedictum, uel sanctum appellat. Quam profecto opinionem haudquaquam improbadam puto. quandoquidem Carduu benedictus uocatus solo procumbit densa foliorum comata, & quod ammodo humiculis cernitur. quinetiam fructum gignit amarum, barbareq; modo hirsutum: & caules profert sonchi modo ruentes. Ut ex ijs notis accuratius expensis, quibus prorsus conuenit Carduo benedicto cum altero Cnici sylvestris generere, nil mirum si cogor mutare sententiam, & hoc quod alias negaueram, nunc planè afferere non dubitem.

Sed Ruel. lapsus.

certe Ruellium mirari subit, quod tam facile afferuerit Carduum benedictum uocatum sanguinem ex se fundere. Nam eti ego millies periculum fecerim; nunquam tamen euulso folio, uel ramulo sanguinem e vulnere profluere compri. Preterea si concedamus, quod Ruellius uera referat, id maxime ipsius repugnat sententia, cum tam Theophrasto, quam Plinio nullum Cnici genus sanguinem fundat: quoniam id Atractylidis est proprium. Hinc itaq; palam fieri arbitror, Ruellium, alioqui doctissimum, turpiter confudit Atractylidis historiam. Quippe si, ut suam tueretur sententiam, afferere uoluisset, Atractylida esse primum sylvestris Cnici genus, illud quidem succum fundere sanguinis instar scribere debuisse, non autem hoc, quod Carduum benedictum esse censimus. Neque etiam mibi, ut libere liceat

Fuchsij opin. reprobata.

quod quisq; sentit dicere, placet Fuchsij opinio. qui libro primo de compositione medicamentorum, & in suis de plantarum historia commentarijs, Carduum benedictum uulgo nominatum Atractylidem hirsutiorem esse existimat. hirsutiorem dixi, quoniam & duas esse constituit Atractylidis species, nempe mitiorem alteram, alteram hirsutiorem: tandem si tum Dioscoridi, tum Theophrasto Atractylis unum duntaxat sit genus. quod, quantum reor, Carduu benedictus non est. Siquidem hic nec sanguineum succum fundit, nec in imis uirgis unquam uisitatur nudus: quinimo uirgas non profert, sed caules lento, quibus humi ferre reptat, uel potius solo procumbit. Sed postquam in hac nostra Atractylidis, & Cnicorum sylvestrium disquisitione, sermo incidit de Carduo benedicto, non ab re hic de miris eius atque

CARDO SANTO.



excellentibus dotibus nobis differendum est. Est igitur CARDUUS Benedictus ita uulgo nunc upatus, planta nullis hoc tempore non cognita. Seritur paucim in hortis, sapore admodum amaro, quod terreis constet partibus calore quodam attenuatis. Magni nominis, magnaq; existimationis planta est non modo apud Italos; sed etiam apud exter as nationes, praesertim contra pestilenciam: item aduersus uenena lethalia, tam interius sumpta, quam uenenosorum animalium ierbis, aut mortibus imposta. Sanantur hac herba quartana laborantes, aut alijs febribus detenti, quarum recessiones cum frigore adueniunt. Id enim praestatur hausto eius decocto, aut stillatitia aqua, aut pulueris drachma pota. Praestant eadem comitalibus infantibus eodem modo bibita. Herba decoctum ex uino sumptum ilium, & renum dolores mulcet, & cetera uentris tormenta sedat: sudorem cit, aliu tinea necat, & uteri uitios auxiliatur. Herba ipsa tam recens, quam secca & pota, & exterius admota, contumacia ulcera, & que cacoethie uocantur, sanat, cutesq; obducit. Quamobrem decoctis miscentur, que e ligno Guaiacu ex uino, et aqua ijs parantur, quos lues Gallica corripuit. Planta, que Græcis ορχανθαί, Latinis item Atractylis, & Fusus agrestis appellatur: Italis, Atrattile.

Nomina.

Πολύκνεμον. POLYCNEVM. CAP. XCII.

POLYCNEMON, frutex est surculosus, folijs organi: caule, ut pulegij, geniculis multis intercepto, sine umbella, tenui tamen in cacumine corymbo, boni odoris, & acris. Vulneribus agglutinandis recens, aut aridum, cum aqua efficaciter illinitur: sed quinto die solui debet, ad urinæ stillecidia, ruptaque cum uino bibitur.

POLYCNEMVM hactenus, quod ego quidem ipsum cognoverim, non reperi, neque uidi in Italia. Ceterum et si inibi nonnullæ inueniantur, atque etiam a quibusdam pro eo ostendantur plantæ, que aliquibus notis Polycnemum quadantenus referre uidentur; cum tamen plura etiam ijs desint, que in Polycnemo requiruntur, quam ut pro uero probari possint, non equidem quicquam in hoc certi statuere ausim. Vnde satius ipsum inter alias ignotas plantas collocandum esse duxerim, donec aliud certius compertunt fuerit. Sed si quis interim Polycnemi vires ex Galeno quoq; scire desiderat, is lib. v. 111. simpl. medic. illas ita paucis retulit. Polycnemon desiccatur, & excalifacit secundo excessu. Itaq; & ob id uulnera glutinat. Huic plantæ non vien Græcum, πολύκνεμον: Latinum similiter Polycnemum: Italicum, Polycnemo.

Polycnemi consideratio.

Vires ex Galeno.

Nomina.

KΛΙVΩΣ

CLINOPODIVM.

CLINOPODIVM ALTERVM.



Κλινοπόδιον. CLINOPODIVM.

CAP. XCIII.

CLINOPODION frutex est folijs serpyllo similis, surculosus, duūm dodrantum altitudine. Nascitur in petrosis. Flores, marrubij modo, ex interuallis distincti speciem lecti pedum præbent. Bibitur herba, & succi eius decoctum, ad conuulsa, rupta, strangurias, serpentium ictus: menses, & partus pellit: & pensiles uerrucas, quas acrochordonas uocant, ejicit, aliquot diebus potum. Aluū 40 fistit decoctum ad tertias, potumque, si febrim sentiunt, ex aqua; alioquin, ex vino.

Clinopodij
consid.

Clinopodij
facultas ex
Galeo.

Nomina.

CLINOPODION nil aliud nobis designat, quam lecticē pedem, quod circinata florū figura, qui intercedentibus intersticijs caulem circumpletuntur, basim lecticē pedum referat. Nascitur ubique frequens, folijs non modo serpyllo proximis; sed etiam montane calamintae, quam maxime representat. Huius meminit Galenus libro VII. simplicium medicamentorum, sic inquiens. Clinopodium excalaciendi uim obtinet, sed nondum aduendit: est uero etiam essentia tenuium partium: ponatq; ipsum quispiam in tertio ordine tum excalacientium, tum recitantium. Κλινοπόδιον sic Græcē, ut Latine pariter Clinopodium uocatur: Italicē, Clinopodio.

Λεοντοπέταλον. LEONTOPE TALVM.

CAP. XCIV.

LEONTOPE TALON, caulem emitteat dodrantelem, aut altiore, plurimis alis concavum, & in cacumine semina parua duo, aut tria, in siliquis, ciceris modo: flores anemonae similes, punicei coloris: folia brassicæ, sed papaueris diuisura: radicibus nigris, rapæ similibus, strumosis. Nascitur in aruis, & segetibus. Radix auxiliatur serpentium ictibus, ex uino pota: nec alia res celerius dolorem finit. miscetur ischiadicorum clysteribus.

Leontopetalii
consider.

LEONTOPE TALVM, eiusq; nigrum, extuberantemq; radicem, rapi instar magnitudine, non modo Venetijs, & Patauij in quibusdam hortis uidimus; uerum etiam in Hetruriæ aruis, alijsq; Italiæ locis. Nascitur frequens in Apulia. Leontopetali meminit Plinius libro XXVII. cap. XI. ubi ipsum ijs depingit uerbis. Leontopetalon, alij rhapeion uocant, folio brassicæ, caule semipedali, ale multæ, semen in cacumine in siliquis ciceris mo- do.

LEONTOPETALVM.



TEVCRIVM.



do . radix rape similis , grandis , nigra . nascitur in arvis . Leontopetalum facultates paucis perstrinxit Galenus libro VII . simplicium medicamentorum , ubi sic inquit . Leontopetalum radice maxime utimur . Digerendi facultatem , & exiccandi , excalfaciendi ; in tertio ordine posset . Λεοντόπεταλον quod Graeci , Leontopetalum quoq; Latini dicunt : Leontopetalum , Itali .

ΤΕΥΧΡΙΟΝ . T E V C R I V M .

C A P . X C V .

T E U C R I O N , siue , vt alijs placet , teucris , herba est uirgæ referens effigiem , triflaginis similitudine , tenuis folio , non multum à cicere alieno . Hæc in Cilicia iuxta Gentiadem , Cissademque ubertim prouenit . Recens cum posca , aut aridæ serufactæ ius potu liensem potenter absunit . Lienosis cum aceto , & fisis illinitur : ite serpentium moribus ex aceto solo sine fisis .

H E R B A quedam nascitur pluribus in locis , folijs quidem ciceris , sed caule , & facie triflagini adeò similis , ut sœpe ex tempore uisa oculos decipiatur . Hanc esse uerum Teucrium mecum semper existimauit , quod ea mihi planis notis respondere uideatur , quas Dioscorides Teucrio reddidit . Qui tametsi scribat

ubertim nasci Teucrium in Cilicia iuxta Gentiadem , & Cissadem ; id tamen nihil impedit , quin & in Italia prouenire queat . Plinio duo Teucrij produntur genera libro xxv . cap . v . ubi ita scriptum reliquit . Inuenit & Teucer eadem estate Teucrion , quam quidam hermion uocant , spargentem iuncos tenues , folia parua , asperis nascientem , austero sapore , nunquam florentem . neque semen gignit . Medetur lienibus . Constatq; sic inuentam . Cum exta super eam projecta essent , fertur adhesisse lieni , eumq; exinanisse . ob id à quibusdam splenion uocatur . Narrant sues , qui radicem eius edunt , sine splene inueniri . Quidam ranis hyssopi plantam , surculosam , folio fabæ , eodem nomine appellant . Et colligi florentem adhuc iubent , adeò florere non dubitant , maximeq; ex Cilicijs , & Pisidiæ montibus laudant . hec Plinius . Ceterum non desunt , qui putent alterum Plinio Teucrium eam esse plantam , que Italij uulgari sermone uocatur Fava grassa . quanquam hanc alij falsò , ut opinor , Telephium esse contendūt .

Teucrui uires descripsit Galenus libro VIII . simplicium medicamentorum , sic inquisis . Teucrium incidentis , & tenuum partium facultatis est : quare lienes sanat . Ponatq; ipsum quissipam in tertio exiccatum , secundo uero excalfacientium ordine .

Hanc herbam Graeci τευχρίον , Latini item Teucrium nominant : Itali , Teucrio .

Χαμαιδρος . TRISSAGO . C A P . X C V I .

CHAMAEDRYS . Græcis , alijs chamædrops , Latinis triflago dicitur . Sunt qui eam teucrion appellauere , propter eam quam cū teucrio seruat similitudinem . Nascitur in petrosis , & asperis . Frutex est dodrantalis , folia habet exigua , amara , effigie & diuisura quercus : flore paruo , penè purpureo . Carpitur semine prægnans . Recens in aqua decocta , potu tussibus , indurato lieni , vrinæ difficultati , incipientibus hydropticis , auxiliatur : cit mensis , partus extrahit : lienem ex aceto pota consumit : aduersus serpentium venena ex vino , potu , illituq; efficacissima . Trita digeritur in pastillos , ad supradicta purgata uera ulcera , cum melle : cum oleo illita , caliginem oculorum discutit . natura eius est calfacere .

CHAMAE=

Teucrui con sideratio .

Teucrui uires ex Galeno .

Nomina .

Chamædryos
consider.

TRISSAGO.



Chamædryos
uires ex Gal.

Nomina.

ταχυαιδεύς Græcè uocatur: Latinè, Chamædryos, & Trixago: Arabicè, Damederios, Chamadrius, seu Kentadrius: Italice, Chamedrio, & Querciuola: Germanicè, Gamanderle, & Bathengel: Hispanicè, Chamedreos: Gallicè, Germandree.

ΛΕΥΚΑΣ. LEVCAS.

CAP. XCVII.

LEVCAS montana, latioribus quàm urbana folijs, semine acriore, amariore, ori ingratu. efficacior tamen quàm sativa habetur. Vtraque ex uino contra animalium uenena, præcipue marinorum, opitulatur.

Leucadis con sideratio.

Nomina.

TAMETSI Hermolaus, & Ruellius contendant scriptis testatum relinquere, herbam quandam in uinetis nascentem mercuriali congenerem, esse Leucada; ego tamen eam mercuriali consimilem facere profectò non ausim, cum nullum hactenus ex rei berbarie authoribus inuenierim, qui eius faciem representet, plurāq; de eius notis tradat, quàm fecerit Dioscorides: qui certè, quantum extat, nullis prorsus notis ipsam descripsit. Ceterum recte, meo quidem iudicio, putat Marcellus Florentinus huic Leucadis capiti decursum esse principium. Id quod nobis indicare uidetur ipsius Dioscoridis sermo: nam cùm statim ab ipso capitis initio montanam Leucada urbana comparauerit, numirum ostendit à se prius urbanam fuisse descriptam. Neque hac de causa tantum adducor, ut Marcello adstipuler; sed quia etiam se habuisse testatur Latinum Dioscoridis codicem uetusissimum, in quo initium huius capitii ita legebatur. Leucæ duo sunt genera, una est montana, & altera hortua. Montana latiore quàm sativa folio est &c. Que omnia maximo sunt arguento, quod hoc in loco Dioscoridis codices sint depravati, quodq; in ijs plura adhuc desiderentur, que faciunt ad perfectam huius plantæ historiam. Λευκας herba sic Græcis, Leucas item Latinis appellatur.

ΛΥΧΝΙΣ. LYCHNIS.

CAP. XCVIII.

LYCHNIS coronaria, flore est albæ violæ simili, sed purpureo. quo corollæ factitantur. Contra scorpionum ictus semen in uino potum auxiliatur. Lychnis sylvestris, omnia urbanæ similis. Bilem per aluum detrahit, semine duabus drachmis poto. ictis à scorpione subuenit. Aiunt huius herbæ appositu scorpiones torpescere, & inertes prorsus reddi.

QVANZ

LYCHNIS.



LILIVM.



QVANQVM non facile est hac etate plantas in Italia ostendere, quae legitime referant utrancq; Lychnidem, hortensem scilicet, & sylvestrem, cum earum folia, & caules tam à Dioscore ride, quam ab alijs rei herbarie scriptoribus, quod inuenierim, nullis prorsus represententur notis, utpote plantarum, que fortasse olim omnibus erant notissimae ob frequentem earum usum tum ad lucernarum lumina, tum etiam ad coronas contexendas; attamen in Tridentino, & Goritiensi agro planta quedam in hortis, ac fictilibus scribitur, coronis neglectis accommodata, quam equidem non dubitauerim pro legitima Lychnide in medium afferre. Siquidem flore exit purpureo, albae uiole simili: foliis longis, tomentosis, albicantibusq;: caule lanuginoso, cubito maiore, in cuius cacumine flos emicat, ut dixi, purpureus, inodus tamen. Quod preterea planta haec uera sit Lychnis coronaria, illud mihi fidem auget, factiq; ut in hoc nihil ferre addubitem, quod alteram eiusdem generis frequentissimam apud Ananienses sylvestrem repererim, illi satia uae adeo per omnia similem, ut cum natalis duntaxat discriminem intercedat, hec meritò Lychnis sylvestris appellari queat. His accidunt tomentosa earum folia, que ad lucernarum usum pro ellychnio commode usurpari possunt. Vnde apud ueteres Lychnidis sibi nomen asciuit. quippe lucerna Græcis Λύχνος dicitur, quemadmodum & ἡλιυχνίον funiculus, qui ē gossipio nobis hoc aeuo paratur, lucernisq; inseritur ad lumen edendum, flammamq; nutriendam. Quare cūm gossipio, ut puto, carerent antiqui, tomentosis herbarum quarundam folijs ad hoc munus obeundum utebantur, nempe lychnidis, uerbasci, aliarumq; nonnullis. Illud deniq; addiderim, ut nostra melius firmetur opinio, quod flos plantarum, quas Lychnides esse opinor, mirum in modum ruralibus, urbanisq; uirginibus expetitur ad coronas factandas: qua in re priscam imitantur etatem. Ceterum Plinius lib. xxi. cap. 1111. Lychnide inter rosas retulit, sic inquiens. Est & rosa, quae Græca appellatur à nostris, à Græcis uero Lychnis, nō nisi in humidis locis proueniens, nec unquam excedens quinq; folia, uiola magnitudine, odore nullo. Lychnidis coronarie semen, ut Galenus est autor lib. vii. simplicium medicamentorum, calidum est secundo quodammodo ordine, aut iam etiam tertio: sic cum sane eodem quoq; modo. Quæ herba Græcis Λύχνης, Lychnis quoq; Latinis dicitur: Italisch, Lichnide.

Lychnidis consideratio.

Lychnidis facultas ex Gal.

Nomina.

Kof'vov. LILIVM. CAP. XCIX.

LILI A coronantis se dedunt, Liria à quibusdam uocata. E' quibus unguentum temperatur, quod aliqui lirinum, alij susinum appellant, neruos, & priuatim uulux duritis emolliens. Folia herbæ illita, contra serpentium iictus auxiliantur: seruefacta ambustis proficiunt: aceto condita vulneribus opitulantur. Succus adiecto melle, aut aceto in æreo vase coquitur conuenienti medicamento vetustati vlcerum, & ad recentia vulnera. In assata radix, & ex rosaceo trita, igni ambusta sanat, vuluum emollit, menses ciet, vlcera cicatrice obducit. Cum melle detrita neruis præcisis, luxatisque medetur: vitiligines, furfures, & lepras emendat: vlceraque in capite manantia expurgat: abstergit faciem, & erugat. teritur in aceto cum hyoscyami folijs, & farina tritici mulcendis testium inflammationibus. Semen potum morsibus serpentium aduersatur. Ignibus sacris semen, & folia cum vino illinuntur. Tradunt & purpurea esse lilia. In Syria autem, & Pisidia Pamphiliae efficacissima unguentis nascuntur.

O LILIA

Liliorum cōsideratio.

Liliorum hi-
storia ex Pli-

Martagon, &
eius delineati-

Liliorum vi-
res ex Gal.

LILIA Italiam notissima sunt, atque adeo omnibus, ut planè superuacaneum esse putem, exemplo Dioscoridis adductus, uel ex nobis corum faciem representare, uel alterius historiam referre. Sed tamen quoniam ijs quandoque mos gerendus est, qui semper hortis nouis ac uarijs floribus resertis delectantur; idcirco silentio præterire non potui, quin hic infererem, qua ratione, quoue mangonio alba lilia (si tanta fides prisca rei herbariae authoribus adhiberi potest) purpurea fieri posint. Quod cum Plinius docuerit lib. xxi. cap. v. ubi de Lilijs latius differit, ideo eius uerba subiiciemus. *Lilium*, inquit, *rose nobilitate proximum est*, & quadam cognatione unguenti, olei, quod lirinon appellatur. Et impositum etiam maximè rosas deceat, medio prouentu carum incipiens. Nec ulli florum excelsitas maior, interdum cubitorum trium, languido semper collo, & non sufficiente capitum oneri. Candor eius eximius, folijs foris striatis, & ab angustijs in latitudinem paulatim sese laxantibus, effigie calathi, resupinis per ambitum labris, tenui, filo, & semine stantibus in medio crocis. Ita odor, color, duplex, ut alijs calycis, alijs staminis: differentia angusta. In unguenti uero, olei, usu folia non spernuntur. Est flos non dissimilis illi in herba, quam conuolunum uocant, nascens per fruteta, nullo odore, nec crocis intus, candorem tantum referens, ac ueluti nature rudimentum lilia facere condiscant. Alba lilia iisdem omnibus modis seruntur, quibus rosa: & hoc amplius lacryma sua, ut hipposelinum, nihilq; est facundius, una radice quinquagenos sepe emittente bulbos. Est & rubens lily, quod Græci cynon uocant. Alij florem eius cynorrhodon. Laudatissimum in Antiochia, & Laodicea Syrie, mox in Phaselide, quartum locum obtinet in Italia nascens. Sunt & purpurea lilia aliquando gemino caule, carnosiore tantum radice, maiorisq; bulbi, sed unius. Narcissum uocant. Huius alterum genus, flore candido, calyce purpureo. Differentia à lilijs est & hec, quod narcissis folia in radice sunt, probatissimis in Lycia montibus. Tertio generi cetera eadem. Calyx herbaceus. omnes serotini: post arcturum enim florent, ac per æquinoctium autumnum. Inuenta est & in his ratio inscreendi, monstrificis hominum ingenij. Colliguntur nanque mense Iulio scapi arescentes, lilijs suspenduntur in fumo. Dein mundantibus se nodulis, in face nigri uini, uel Græci mense martio macerantur, ut colorem accipient, atque ita in scrobiculis seruntur, hemis fecis circumfusis. Sic fiunt purpurea lilia, mirumq; ita tingi aliquid, ut nascatur infectum. hec Plinius. Lilia (ut Anatolius testatum reliquit) totum annum uiridia durabunt, si cùm occlusa silent, ne cum patentia debescunt, decerpita, nouis fistilibus non picatis indito diligenter operculo recondantur. sic enim clausa perpetuum annum uegeta manebunt. Sed ut intermedio tempore ad usum promuntur, statim ad solem producta, cùm senserint eius calorem, aperta panduntur. Porro ut uicissim, & uarijs temporibus flores partant lilia, bulbi ita seruntur, ut aliqui duodecim digitorum altitudine obruantur, alijs octo tantum, alijs quatuor duntaxat profunditate mergantur. sic diuersis diebus dabunt lilia: quod & in alijs floribus fieri pollicetur. Ceterum & illud inter lilia merito annumerari potest, quod MARTAGON chymistæ appellant. Hoc enim radice, etiæ croceo colore infecta sit, à lilio

MARTAGON.



candido non dissidet, sicuti nec caule. Folij uulgarē saponariam imitatur, que in stellæ, uel rose modum intercedente spatio cauem ambunt: in cuius cacumine tenui pediculo appensi flores emicant liliorum effigie, minores tamen: quorum folia etiam reflexa cernuntur, colore purpureo, punctis quibusdam rubentibus respersa, & ipsi odorati sunt, aspectuq; iucundi. Lilijs genus hoc in suis de stirpium historia commentarijs Fuchsij, asphodelum scemnam putauerat esse, pro eoq; depinxerat. Sed quia sui erroris conscius factus, hanc ipse suam mutauit sententiam, non est cur iam nos eam pluribus refellamus. Liliorum facultates posteritatis memorie prodidit Galenus lib. viii. simplicium medicamentorum, sic inquiens. Lilijs flos temperaturam mistam obtinet, partim extenui, partim ex terrena essentia, ex qua utiq; in gustu amaritudinem habet, partim ex aqua, eaq; temperata. Itaque etiam quod ex eo conficitur oleum, & unguentum, circa morsum digerendi, simulq; emolliendi facultatem obtinet. unde fit, ut uteri duritibus sit aptissimum. Porro radix, foliaq; per se trita desiccant, & abstergent, & digerunt moderatè. Proinde quoque ambustis competunt: siquidem hec quoq; moderatè desiccātem, extergentemq; facultatem postulat. Radicem ergo tostam, ac deinde cum rosaceo contritam ambustis, quoad obducatur cicatrix, imponunt. quippe cùm alioqui & aliorum ulcerum omnium bonum sit inducendæ cicatrici remedium. Quinetiam uteros emollit, mensesq; prouocat. Folia uero præcoquentes, & ipse ad obductam usque cicatricem imponunt, non in ambustionibus duntaxat; sed alijs quoque uulnibus. Sed sunt etiam, qui acetō ea condientes ad uulnera suo tempore utantur. Plus tamen ineſt abstergentis facultatis in radice, quam in folijs: quanquam tamen nec in ea ipsa multum insit, sicut prædictimus. nam primi ordinis abstergentium est medicaminum. Itaque cùm aut utiligines, aut psoram, aut lepram, aut anchoras, aut aliud id genus extergere uolumus, commiscemus illi aliquid aliorum


aliorum medicamentorum uulnus extergentium, cuiusmodi est mel. Ceterum si id moderate illi, ac conuenienter admisceatur, & ad neruorum diuisionses competit, & ad alia uniuersa, quae ualenter exiccati postulant absq; morsu. Imposuimus uero etiam quandoq; & foliorum succum cum aceto, & melle coctum. Quintuplus autem erat succus ad utrung: atq; insigne medicamen fuit ad omnia ea, quae exiccati postulant absq; morsu, ceu uulnera omnia ingentia, et maxime quae in capitibus muscularum eueniunt, & quae cuncte ulcera humida flaccidata, & diuina sunt, quaeq; egrae ad cicatricem perdueuntur. Sed hæc iam ad medicamentorum componendorum institutum attinent, à quo quantum licet abstinere in præsentia adnitor. ceterum rerum ipsorum natura se penumero ut attingat adgit, celeriter uero relinquenda sunt, atq; ad propositum reuertendum. Planta, quam Græci ονιον, & Λειόν dicunt, Lilium Latinis nominatur: Mauritanis, Sufen: Italies, Giglio: Germanis, Lilgen, & Gilgen: Hispanis, Azucena, & Lirio blanco: Gallis, Lis.

Nomina.

Βαλλωτή.

BALLOTE.

CAP. C.



BALLOTEN, nomine alio nigrum marrubium uocant. Caules edit quadrangulos, nigros, subhirsutos, cōplures ex una radice: folijs majoribus, quam marrubij, hispidis, per interualla in caule dispositis, subrotundis, & graueolentibus, apiastro proximis: unde aliqui apiastrum eam uocauerunt. candidi flores uniuersi uerticillato ambitu caulem coronant. Vis eius efficax aduersus canis morsus, folijs ex sale illitis. Feruenti cinere flacescunt folia, ut condylomata reprimant: purgant & forida ulcera cum melle.

BALLOTE, siue Marrubium nigrum, quod etiam ob odoris grauitatem à quibusdam Marrubium foetidum cognominatur, frequens in agrorum marginibus nascitur, & pāsim secus vias. Est autem hoc apiastro adeo simile, quod facile legentes falleret, nisi nares consulerentur: ita enim sua graueolentia citè innotescit. In Italia nullis non cognitum est, appellaturq; ab aliis Marrubium spurium. Huius meminit Paulus (et si uires eius silentio præterierit Galenus) lib. viii. sic inquietus. Ballote, quod alij marrubium nigrum dicunt, acris est, & absteriora facultatis. Illitum cum sale canum morsibus medetur. Hic plante nomen Græcum, Βαλλωτή, & μέλιαν πράσιον: Latinum, Marrubium nigrum, & Marrubium. Italicum, Marrobiastro, & Marrobio bastardo: Germanicum, Schuartz andorn: Hispanicum, Marroio negro: Gallicum, Marrubin noir.

Ballotes consideratio.

Nomina.

nomini conueniat, quodq; ipsius meminerit Plinius lib. xxvii. cap. viii. cum inquit. Ballote folijs est marrubij maioribus, & nigrioribus.

Μελισσόφυλλον. APIASTRUM.

CAP. CI.

MELISSOPHYLLON, siue melittæna, id est, apiastrum, id sibi nomen usurpauit, quoniam apes ipsa herba delectantur. Cauliculi, & folia ballotæ, de qua paulò ante diximus, similia essent, nisi maiora, tenuioraq; nec ita hirsuta spectarentur: citreū mālum olen. Folia cum uino pota, aut illita profundit, contra iētus phalangiorum, scorpionumque: item aduersus canis morsum. Decocto eoru dem gratia, foueri prodest: defensionibus sceminarum ad ciundos menses conuenit: dentes eodem in dolore colluuntur. dysentericis infunditur. Fungorum strangulationibus folia, addito nitro, potu auxiliantur: torminibus, & orthopnoicis delinctu. Illita cum sale strumas discutiunt, ulcera purgant: articularios dolores illita sedant.

MELISSOPHYLLON, quod Latinis Apiastrum, & Citrago dicitur, Hetrusci ab odore citri vulgo uocant Cedronella, itemq; Melissa, sicut etiam Insubres. Herba est vulgaris & que notitia, atque odorata. Duo eius habent genera, unum satiuum, alterum sylvestre. Fuchsius tamen medicus clarissimus, Melissophyllum in tria genera digessit libro illo de compositione medicamentorum, quem nuper auction excudit. Sed curis duo prima genera,

Apiastrum consideratio.

O 2 que